

通志略

冊五

禮略第一 通志卷第四十二

吉禮上

郊天

有虞氏禘黃帝

爾雅釋天云禘大祭也虞氏冬而郊饗夏正之月祭至大祭天於圓丘以黃帝配坐而郊饗感生帝於南

郊以饗配焉

夏后氏禘黃帝而郊鯀商人禘饗而郊冥周制大司樂云冬

至日祀天於地上之圓丘又大宗伯職曰以禋祀昊天上帝禮神之

玉以蒼璧其牲及幣各隨玉色牲用一犢幣用繒長一丈八尺

鄭康成注

曾子問云制幣長丈八鄭約逸巡狩禮文也餘用幣長短皆准此

王服大裘其冕無旒尸服亦然乘

玉輅錫繁纓十有再就建大常十有二旒以祀罍及苴醢之器以瓦

爵以匏藉神之席以藁秸及蒲翦而不納

藁秸藉天神配以帝饗其蒲越藉配帝

樂大司樂云凡樂圓鍾爲宮黃鍾爲角太簇爲徵姑洗爲羽鼙鼓鼙

鼗孤竹之管雲和之琴瑟雲門之舞冬日至於地上之圓丘奏之其

感生帝大傳曰禮不王不禘王者禘其祖之所自出以其祖配之者

先祖皆感太微五帝之精以生其神名鄭康成據春秋緯說蒼則靈威仰赤則赤熛怒黃則含樞紐白則白招拒黑則叶光紀皆用歲之

正月郊祭之蓋特尊焉孝經云郊祀后稷以配天配因以祈穀其壇

靈威仰也宗祀文王於明堂以配上帝況配上帝也

名太壇在國南五十里禮神之玉用四珪有邸尺有二寸牲用騂犢

青幣配以稷其配帝牲亦用騂犢其樂大司樂云迺奏黃鍾歌大呂

舞雲門以祀天神天神謂五帝及日月星辰王者又各以夏日用辛

按禮記及春秋魯郊於建子月用辛又王者必五時迎氣者奉承天道從時訓人之義

故月令於四立日及季夏土德王日各迎其王氣之神於其郊月令云立

春之日天子親率公卿諸侯大夫以迎春氣於東郊餘四氣皆然若

以祖之所自出即禘祭靈威仰於南郊一神而已若迎王氣之神即

五神同祀之其配祭以五人帝春以太皞夏以炎帝季夏以黃帝秋以少

昊冬以顓帝其壇位各於當方之郊去國五十里內曰近郊爲兆位

於中築方壇亦曰太壇而祭之禮神之玉按大宗伯云青珪禮東方

赤璋禮南方黃琮禮地則中央也白琥禮西方玄璜禮北方牲用犢

及幣各隨玉色樂與感帝同秦始皇既卽位以昔文公出獵獲黑龍

此其水德之瑞。用十月爲歲首。色尙黑。音尙大呂。東游海上。禮祀八神。二世尊雍。四時上帝。名其祭處曰時也。春歲祠。禱因泮凍。秋涸凍。冬塞祠。

五月嘗駒。及四仲之月祠。每時用駒四疋。木寓龍一駟。木寓車馬一駟。各如其帝色。黃犢與羔各四。珪幣各有數。皆生瘞埋。無俎豆之具。三年一郊。常以十月上旬郊。見通舉火。拜於咸陽之旁。而衣尙白。其用如常。漢高帝立。二年冬。敗項籍。還入關。問秦時上帝祠何帝也。對曰。四帝有白。青。黃。赤。高帝曰。乃待我而具五色。遂立黑帝祠。各北時。有司進祠。帝不親往。悉召故秦祀官。復置太祝。太宰。皆如其故儀。後四年。詔御史令九天巫祠九天。皆以歲時祠宮中。文帝卽位。詔有司增雍五時路車各一乘。駕被具。魯人公孫臣上書曰。始秦以水德。則漢當土德。其應黃龍見。宜改正朔。易服色。尙黃。明年黃龍見成紀。拜公孫臣爲博士。申明土德。改歷服色事。有司曰。古者天子夏親祠上帝於郊。故曰郊。夏四月。詔郊祀上帝。始幸雍。郊見五時祠衣皆尙赤。

趙人新垣平上言長安東北有神氣成五采若人冠冕焉宜祠上帝於是作渭陽五帝廟明年四月帝親郊見五帝廟燿火舉若光屬天於是貴平至上大夫文帝出長門亭名若見五人於道北因其直立五帝壇人有告平詐僞遂誅平後渭陽長門五帝使祠官領以時致禮不親往焉武帝卽位初至雍郊見五時後常三歲一郊亳人謬忌曰天神貴者太一太一佐曰五帝古者天子以春秋祭太一於東南郊日一太牢凡七祭爲壇開八通鬼道於是令太祝立太一之祠於長安城東南郊常奉祠如忌方未幾又祠天一自此方士之言興而迂怪之祠紛然起矣或以祀天爲名其實非郊天之事也宣帝神爵元年正月始幸甘泉郊見泰時修武帝故事二年幸雍祠五時明年春幸河東祠后土然未有定制元帝卽位始定舊儀間歲正月一幸甘泉郊泰時又東至河東祠后土西至雍祠五時凡五奉泰時后土之祠亦施恩澤時所過毋出田租賜百戶牛酒或賜爵赦罪人成帝初

卽位丞相匡衡等奏言先王祭天於南郊就陽之義也瘞地於北郊卽陰之象也往者孝武居甘泉宮卽於雲陽立泰時祭於宮南今常幸長安郊見皇天反北之太陰祠后土反東之少陽未合承天之意於是徙甘泉泰時置於長安又言今雍鄜密上下時九天太一天一八神之屬并餘淫祀陳寶等祠所不應禮者四百七十五所皆罷初罷甘泉泰時作南郊曰大風壞甘泉竹宮折拔時中木十圍以上者百餘天子問劉向向曰家人尙不欲絕種祠況於國乎且甘泉汾陰及雍五時始立皆有神祇感應然後營之誠未易動帝意恨之後以無繼嗣遂復甘泉泰時及雍五時如故天子親郊禮如前又復長安雍祠明著者半後成帝崩皇太后詔復南北郊長安如故以順帝意哀帝立寢疾博召方士復甘泉泰時祀如故遣有司行事而禮祠焉平帝立王莽奏宜如建始所行丞相匡衡等議復長安南北郊祀如故

莽又頗改其祭禮。後漢建武元年，光武卽位，爲壇營於鄩之陽，祭告天地，采用前漢元始中郊祭故事。六宗羣神從祀，未以祖配。天地共犢，餘牲尙約。二年正月，制郊兆於雒陽城南七里，依鄩故事，爲圓壇八陛，中又爲重壇，天地位其上，皆南面。西上，其外壇上爲五帝位，青帝位在甲寅，赤帝位在丙巳，黃帝位在丁未，白帝位在庚申，黑帝位在壬亥。其外爲壝，重營皆紫，以象紫宮。有四通道，以爲門。日月在中營內，南道日在東，月在西北，斗在北道之西，皆別位，不在羣神列中。八陛，陛五十八，階五帝陛，郭帝七十二，階中營四門，門五十四神。外營四門，門百八神，皆背營內嚮。中營四門，門封神四，外營四門，門封神四。凡千五百一十四神。至七年五月，詔三公曰：漢當郊，堯其與羣臣議。時御史杜林等上疏，以爲漢起不緣堯，與商周異，宜從舊制。以高帝配從之。隴蜀平後，乃增廣郊祀。高皇帝配食，位在中壇上，西面北上。天地、高皇帝、黃帝，犢各一。四方帝共用犢二。日月、北斗，共牛一。

四營羣神共牛四樂奏青陽朱明西皓玄冥及雲翹育命舞中營四門門用席十八外營四門門用席三十六皆莞簟率一席三神日月北斗無陛郭駿既送神燎俎實于壇南已地明帝卽位永平二年以月令有五郊迎氣因采元始故事北五郊于雒陽四方中北在未壇皆三尺階無等立春日迎春東郊祭青帝句芒立夏日迎夏南郊祭赤帝祝融先立秋十八日迎黃靈于中北祭黃帝后土立秋日迎秋西郊祭白帝蓐收立冬日迎冬北郊祭黑帝玄冥車旗服飾各從方色魏文帝南巡在潁陰有司爲壇於繁陽故城庚午登壇受紱降壇視燎成禮未有祖配明帝卽位太和元年正月丁未郊祀武帝以配天宗祀文帝於明堂以配上帝至景初元年十月乙卯始營洛陽南委粟山爲圓丘詔曰曹氏世系出自有虞今祀圓丘以始祖帝舜配號圓丘曰皇皇帝天郊所祭曰皇天之神以太祖武皇帝配十一月壬子冬至始祀皇皇帝天於圓丘以始祖帝舜配自正始以後終魏

代不復郊祀

孫權初稱尊號於武昌祭南郊告天用玄牡後自以居非土中不修設末年南郊追上父聖尊號為吳始祖以

配天後三嗣主終吳代不郊祀劉備章武元年卽位設壇於成都府晉武擔山南用玄牡二年十月詔丞相諸葛亮營南北郊于成都府

武帝南郊燎告未有祖配泰始二年詔定郊祀南郊宜除五帝之座

五郊同稱昊天上帝各設一座而已

時羣臣議五帝卽天也隨時王氣而設號耳名雖有五其實一

神南郊宜除五帝座五郊同稱昊天從之

二月丁丑郊以宣皇帝配十一月有司奏古者

丘郊不異宜并圓方二丘更修壇兆二至合祀是月庚寅冬至帝親

祀圓丘於南郊是後圓丘方澤不別立太康三年正月帝親郊祀皇

太子皇子悉侍祠十年十月詔曰孝經郊祀后稷以配天宗祀文王

於明堂以配上帝往者衆議除明堂五帝位考之於禮不正詩序曰

文武之功起於后稷故推以配天焉宣帝以神武創業旣以配天復

以先帝配天可乎遂復南郊五帝位東晉元帝卽位於建康議立南

郊於巳地太常賀循定制度多依漢及晉初之儀三月辛卯帝親郊

祀饗如泰始故事成帝咸和八年正月郊天則五帝之佐日月五星

二十八宿文昌北斗三台司命軒轅后土太一天一太微句陳北極

兩師雷電司空風伯老人凡六十二神從祀康帝建元元年正月辛

未南郊帝親奉焉

祝文稱嗣天子臣某

安帝元興四年應郊帝蒙塵于江陵朝

議宜依周禮宗伯攝事尚書右丞王納之曰郊天極尊非天子不祀

無使皇輿不得親奉時從納之議郊廟牲幣璧玉之色雖有成文秦

世多以駟駒漢則但云犢江左南北郊用玄牲明堂廟社用赤牲宋

永初二年正月上辛帝親郊祀三年九月司空羨之等奏高祖武皇

宜配天郊詔可孝武大明二年正月有司奏今月六日南郊輿駕親

奉至時或雨遂遷日有司行事

有司奏按魏代郊天值雨更用後辛晉代顧和亦云更擇吉日南郊自魏

已來多使大明三年移郊兆於秣陵牛頭山西南郊之午地

徐爰曰禮記燔

柴於泰壇祭天也迎日於南郊就陽位也晉代過江郊悉在北或南

出道狹多於已地宋因而弗改今聖圖重造舊章畢新宜移郊正午

以定天位也

大明五年九月甲子有司奏郊祭用三牛孝武崩廢帝以郊

舊地爲吉祥移置本處齊高帝受禪明年正月上辛有事南郊而無

配犧牲之色。因晉宋故事。建元四年。武帝繼位。明年正月。祀南郊。自

茲以後。間歲而祀。永明元年。立春前。郊祀郊壇。圓北外。內起瓦屋形。

制宏壯。梁武帝卽位。南郊爲圓壇。在國之南。壇高二丈七尺。上徑十丈。下徑十八丈。其外

再壇四門。常與北郊間。歲正月。皇帝置齋於萬壽殿。上辛行事。吳操之云。郊在立春後。何休之云。今之郊祀。是報昔歲之功。而祈今年之福。故取歲首上辛。不拘立春前後。周之冬至。圓丘大報天也。夏正又郊以

祈農事。故有啓蟄之說。帝曰。圓丘自是祭天。先農卽是祈穀。祭昊天宜在冬至。祈穀必須啓蟄。用特牛一。祀天。皇大

帝於壇上。以皇考太祖文帝配五帝。天文從祀。禮以蒼璧制幣。除鬯

裸。佚之啓按。鬯者。盛以大彝。覆以書。霽備其文飾。施之宗廟。今郊祀有裸。恐乖尚質。宜革之。帝依此行。香用沈。器以陶。

匏。素俎。席用藁秸。皇帝一獻。再拜受福。帝以一獻爲質。三獻爲文。自是天地之祭。皆一獻。惟皇帝

受福。明上靈降祚。臣下不敢同。太尉設燎壇於丙地。禮畢。器席有司燒埋之。五年迎

五帝。以始祖配。十七年。帝以威仰魄寶俱是天神。於壇則尊。於下則

卑。且南郊所祭天皇。其五帝別有明堂之祀。不煩重設。又郊祀二十

八宿。而無十二辰。於義闕然。南郊可除五帝祀。加十二辰。與二十八

宿。而無十二辰。於義闕然。南郊可除五帝祀。加十二辰。與二十八

宿各於其方爲壇陳武帝永定元年受禪修圓丘

壇高二丈二尺柴五寸廣一丈一尺

燎告天明年因以正月上辛有事南郊以皇考德皇帝配除十二辰風師雨師及五帝位間歲而祀文帝天嘉中改以高祖配復三獻之禮宣帝卽位以郊壇卑下更增廣之後魏道武帝卽位二年正月親祀上帝於南郊以始祖神元皇帝配壇通四陛壇埒三重天位在上南面神元西面五帝以下天文從食席用藁秸玉以四珪幣用束帛牲用黝犢後冬至祭上帝於圓丘牲幣並同天賜二年四月復祀天子西郊爲方壇東爲二陛土陛無等周垣四門門各依方色爲名置木主七於壇上牲用白犢黃駒白羊各一祭之日帝御大駕至郊所立青門內近南西面朝臣及夫人咸位於青門外后率六宮從黑門入列於青門內近北並西面廩犧令掌牲陳於壇前女巫執鼓立於陛東西面選帝七族子弟七人執酒在巫南西面北上女巫陞壇搖鼓帝拜后肅拜內外百官拜祀訖乃殺牲七執酒七人西向以酒灑

天神主復拜如此者三禮畢而反自後歲一祭孝文帝太和十二年親築圓丘於南郊北齊每三年一祭以正月上辛禘祀昊天上帝於圓丘以高祖神武帝配五精帝天文等從祀禮以蒼璧束帛蒼牲九皇帝初獻太尉亞獻光祿卿終獻司徒獻五帝司空獻日月五星二十八宿太常丞以下薦衆星後諸儒定禮圓丘改以冬至祀之南郊則歲一祀以正月上辛爲壇於國南祀所感帝靈威仰以高祖神武皇帝配用四珪幣如方色其上帝及配帝各用騂特牲一燎同圓丘後周憲章多依周制正月上辛祀昊天上帝於圓丘以其先炎帝神農氏配昊天上帝於其上五方上帝天文並從祀又祀所感帝靈威仰於南郊以始祖獻侯莫那配用牲各以方色皇帝乘蒼輅戴玄冕備大駕而行從祭者皆蒼服隋文帝受命再歲冬至日祀昊天上帝於圓丘以太祖武元皇帝配五方上帝天文並從祀其牲上帝配帝用蒼犢各一五帝日月用方色犢各一五星以下羊豕各九孟春上

辛祠感帝赤燂怒於南郊亦以太祖武元帝配其禮四珪有邸牲用
駢犢二煬帝大業元年孟春祀感帝改以高祖文帝配餘並仍舊十
年冬至祀圓丘帝不齋于次詰朝備法駕至便行禮是日大風帝獨
獻上帝三公分獻五帝禮畢御馬疾驅而歸唐武德初定令每歲冬
至祀昊天上帝於圓丘以景帝配五方上帝天文皆從祀日月內官
及眾星
皆從祀上帝及配帝用蒼犢各一五方帝及日月用方色犢各一內
官以下加羊豕各九孟春辛日祈穀祀感帝于南郊以元帝配牲用
蒼犢二武德貞觀之制大享之外每歲立春立夏立秋立冬郊
祀並依周禮其配食及星辰從祀亦然貞觀中奉高祖配圓丘元皇
帝配感帝餘依武德制

大雩

周制月令建巳月大雩五方上帝左氏傳曰龍見而雩角亢見時周
之六月陽氣盛常旱故雩為百穀
以祈其壇名曰雩禁於南郊之傍配以五人帝太昊配青帝炎帝配
赤帝軒帝配黃帝少

昊配白帝顓命樂正習盛樂月令云仲夏樂師修鞀鞀鼓均琴瑟管

帝配黑帝敵而俱作故舞皇舞析白羽為之形如帔也舞師月令命有司為民

祈祀山川百源百辟卿士有益於民者以祈穀實天子雪上帝諸侯

之上公以下若句龍社稷之類也何休注春秋公羊傳曰旱則君親

之南郊以六事謝過自責政不善數使人失職與宮室崇數婦謁盛

數荀首行數讒夫昌數使童男童女各八人而呼雪也按月令本出

於管子即周時人也至秦呂不韋編為呂氏春秋漢戴聖又集成禮

記原其根若國大旱則司巫帥巫而舞雪若旱暵則女巫舞雪漢承

秦滅學雪禮廢旱太常禱天地宗廟雜論曰劉歆致武帝元封六年

旱女子及巫丈夫不入市成帝五年六月始命諸官止雨朱繩反縈

社擊鼓攻之是後水旱常不和干寶曰朱絲縈社社太陰也朱火色

諸侯用幣於社請上公也伐鼓於後漢自立春至立夏盡立秋郡國

上雨澤若少郡縣各埽除社稷公卿官長以次行雪禮以求雨春秋

曰大旱雩祭而請雨閉諸陽衣阜興土龍山海經曰大荒東北隅中

大水鳴鼓而攻社有山名凶犂土邱應龍處

南極殺蚩尤與夸父不得復上故下數旱而為應龍之狀乃立土人

得大雨郭璞曰今之士龍本此氣應自然冥感非人所能

舞僮二份七日一變如故事反拘朱索社伐朱鼓禱賽以少牢如禮

晉武帝咸寧二年春旱因後漢舊典諸旱處廣加祈請五月祈雨于

社稷山川東晉穆帝永和中有議制雪壇於國南郊之旁依郊壇近

遠阮謏云壇在巳地按得衛宏漢儀稱魯人為雪壇在城東南諸儒所說皆云壇而今作壇又論語樊遲從遊于舞雩之下衛宏所說

魯人東南舊跡猶在祈上帝百辟旱則祈雨大雪社稷山林川澤舞僮八份凡

六十四人皆阜服持羽翳而歌雲漢之詩齊明帝建武二年旱雪以

武帝配饗於雪壇梁武帝天監元年有事雪壇壇於南郊之左高及廣輪四丈周十二丈

四帝以為雨既類陰而求之正陽其謬已甚東方既非盛陽而為生

養之始則雪壇應在東方祈晴亦宜此地遂移於東郊十年帝又以

雪祭燔柴以火祈水於理為乖於是停用柴燎從坎瘞典時議曹郎朱异議曰

按周宣雲漢之詩毛注有瘞埋之文不見燎柴之說若以五帝必柴則明堂又無其事大同五年又築雪壇於

籍田北內四月後旱則祈雨行七事一理冤獄及失職者二賑鰥寡孤獨三省徭輕賦四舉進賢良

五黜退貪邪六命會男女恤怨曠七徹膳羞弛樂天子降法服七日乃祈社稷七日乃祈山

林川澤常興雲雨者七日乃祈羣廟之主于太廟七日乃祈古來百辟卿士有益於人者七日乃大雩上帝徧祈前祈所有事者大雩禮於壇用黃牯牛一祈五天帝及五人帝各依其方以太祖配位於青帝之南五官配食於下七日乃去樂又徧祈社稷山林川澤就故地處大雩國南除地爲壇舞僮六十四人皆衣皂服爲八列各執羽籥每列歌雲漢詩一章而畢旱而祈雨則報以太牢皆有司行事唯雩則不報也若郡國縣旱請雨則五事同時並行五事則謂黜退貪邪以上如前議守令皆齋

潔三日乃祈社稷七日不雨更齋祈如初三變仍不雨復齋祈其界山林川澤常興雲雨者祈而澍亦各有報陳因梁故事武帝時以德皇帝配文帝時以武帝配廢帝時以文帝配牲用黃牛而以清酒四升洗其首其壇壇配饗歌舞皆如梁禮天子不親奉則太宰太常光祿行三獻禮其法皆採齊建武二年舊典後魏文成帝和平元年四月旱詔州郡於其界內神無大小悉洒掃薦以酒脯年登之後各隨